

**KOMISIJA ZA TUMAČENJE I PRAĆENJE PRIMJENE
KOLEKTIVNOG UGOVORA ZA SLUŽBENIKE ORGANA UPRAVE I SUDSKE VLASTI
U FEDERACIJI BOSNE I HERCEGOVINE**

Na osnovu člana 71. Kolektivnog ugovora za službenike organa uprave i sudske vlasti u Federaciji Bosne i Hercegovine („Službene novine Federacije BiH“, broj: 98/23), Komisija za tumačenje i praćenje primjene Kolektivnog ugovora za službenike organa uprave i sudske vlasti u Federaciji Bosne i Hercegovine (u daljem tekstu: Komisija), povodom zahtjeva Federalnog ministarstva finansija broj:03-02-4-9563/24 od 14.01.2025.godine za tumačenje odredbe člana 1. Kolektivnog ugovora za službenike organa uprave i sudske vlasti u Federaciji Bosne i Hercegovine, na 8. sjednici Komisije održanoj dana 10.02.2024. godine, donosi:

ODLUKU

o tumačenju odredbi člana 1. Kolektivnog ugovora za službenike organa uprave i sudske vlasti u Federaciji Bosne i Hercegovine

I

Utvrđuje se tumačenje odredbe člana 1. Kolektivnog ugovora za službenike organa uprave i sudske vlasti u Federaciji Bosne i Hercegovine (u daljem tekstu: Kolektivnog ugovora), kako slijedi:

Kolektivni ugovor primjenjuje na sve zaposlenike institucije koja je pristupila Kolektivnom ugovoru, bez obzira da li se radi o državnim službenicima i namještenicima ili zaposlenima po osnovu zakona o radu ili drugog zakona.

II

Ova odluka primjenjuje se na sve organe i institucije iz člana 72. Kolektivnog ugovora, čija je sindikalna organizacija članica reprezentativnog sindikata Samostalnog sindikata državnih službenika i namještenika u organima državne službe, sudskoj vlasti i javnim ustanovama u Federaciji Bosne i Hercegovine (u daljem tekstu: Samostalni sindikat).

III

U skladu sa odredbom člana 71. stav 6. Kolektivnog ugovora, ovu odluku su dužne poštovati sve ugovorne strane ugovora.

IV

Ova odluka će se dostaviti podnosiocu zahtjeva i Samostalnom sindikatu putem Federalnog ministarstva pravde.

OBRAZLOŽENJE

Komisiji je elektronskom poštom dana 23.01.2025.godine dostavljen zahtjev zahtjeva Federalnog ministarstva finansija broj:03-02-4-9563/24 od 14.01.2025.godine za tumačenje odredbe člana 1. Kolektivnog ugovora za službenike organa uprave i sudske vlasti u Federaciji Bosne i Hercegovine, u kontekstu davanja mišljenja da odnosno da li se navedeni Kolektivni ugovor primjenjuje na direktore, zamjenike direktora i rukovodeće službenike u kazнено-popravni zavodi koji nemaju status državnih službenika.

Odredbom člana 72. Kolektivnog ugovora utvrđeno je da se odredbe ugovora primjenjuju na sve organe državne službe u Federaciji i sudske vlasti, upravne organizacije, kazнено popravne zavode, službenike sudske policije, javne ustanove iz oblasti rada i zapošljavanja, penzijsko-invalidskog osiguranja, zavoda zdravstvenog osiguranja i druge javne ustanove na svim nivoima vlasti u Federaciji BiH čije je sindikalna organizacija članica reprezentativnog Samostalnog sindikata.

Shodno navedenom, utvrđeno je tumačenje odredbe člana 72. Kolektivnog ugovora, kao u tački 1. ove odluke.

S obzirom da je odredbom člana 72. Kolektivnog ugovora utvrđena primjena istog u odnosu na organe i institucije na koje se ovaj kolektivni ugovor primjenjuje, utvrđeno je kao u tački 2. ove odluke, dok je u tački 3. utvrđeno da su ovu odluku dužne poštovati sve ugovorne strane ugovora, a u skladu sa odredbom člana 71. stav 6. Kolektivnog ugovora.

Ova odluka će se dostaviti podnosiocu zahtjeva i Samostalnom sindikatu putem Federalnog ministarstva pravde, tj. na način kako je utvrđeno tačkom 4. ove odluke.

Broj: 01-714-37/24
Sarajevo, 10. 02. 2025. godine


Članovi Komisije za tumačenje i praćenje primjene Kolektivnog ugovora za službenike organa uprave i sudske vlasti u Federaciji Bosne i Hercegovine




Vedran Škobić



Bojana Todorović



Samir Kurtović



Haris Karačić